

СОБОРНОЕ МОЛИТВЕННОЕ ПРАВИЛО НАХОДЯЩИМСЯ В СКОРБИ ПО СЛУЧАЮ ВОЕННЫХ ДЕЙСТВИЙ

(сост. епископом Волгодонским и Сальским Антонием для духовенства и мирян
Волгодонской епархии)

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святыи Боже, Святыи Крепкий, Святыи Безсмертный, помилуй нас (трижды).

Слава Отцу и Сыну, и Святому Духу и ныне, и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша имене Твоего ради.

Господи, помилуй (трижды).

Слава Отцу и Сыну и Святому Духу и ныне, и присно, и во веки веков. Аминь.

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам

долги наша, якоже и мы оставляем должником нашим; и не введи нас во искушение, но избави нас от лукаваго. Яко Твое есть Царство, и Сила и Слава Отца и Сына, и Святого Духа ныне и присно и во веки веков. Аминь.

Спаси, Господи, люди Твоя и благослови достояние Твое, победы православным христианам на сопротивная даруя, и Твое сохраняя Крестом Твоим жительство.

Богородице Дево, радуйся, Благодатная Марие, Господь с Тобою; благословенна Ты в женах и благословен плод чрева Твоего, яко Спаса родила еси душ наших. Аминь.

Молитва 1ая Господу:

Господи Боже наш, послушавый Моисея, простерша к Тебе руке, и люди Израилевы укрепивый на Амалика, ополчивый Иисуса Навина на брань и повелевый солнцу стати: Ты и ныне, Владыко Господи, услыши нас, молящихся Тебе. Укрепи силою Твоею страну нашу и воинство ея, брани умири и мир утверди.

Посли́, Го́споди, неви́димо десни́цу Твою́, рабы́ Твоя́ заступа́ющую во всех; а и́мже суди́л еси́ положи́ти на бра́ни ду́ши своя́ за ве́ру и Оте́чество, прости́ согреше́ния их и в день пра́веднаго воздая́ния Твоего́ возда́й венцы́ нетле́ния: я́ко Твоя́ держа́ва, Ца́рство и си́ла, от Тебе́ по́мощь вси прие́млем, на Тя упова́ем, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и при́сно и во ве́ки веко́в. Ами́нь.

Молитва 2 ая Богородице:

О, Пресвята́я Де́во, Ма́ти Го́спода Вы́шняго, всеми́лостивая Засту́пнице и Покрови́тельнице все́х, к Тебе́ с ве́рою прибега́ющих! При́зри с высоты́ небесны́я сла́вы Своея́ на мя, припа́дающего к подно́жию Твоему́, услы́ши смире́нную моли́тву мене́, грешнаго и недостойнаго раба́ Твоего́, и принеси́ ю́ пред возлю́бленнаго Сы́на Своего́. О, Преблагослове́нная Богоро́дице! Ты́, имену́емая все́х скоропослу́шница и скорбя́щих ра́досте, услы́ши и мене́ ско́рбнаго; Ты́ – утоле́ние печа́ли, утоли́ и моя́ душе́вныя боле́зни и печа́ли; Ты́ – купино́ неопали́мая, сохрани́ ми́р и все́х на́с от вредоно́сных о́гненных

стре́л вра́жиих; Ты́ – взыска́ние поги́бших, не попусти́ мене́ поги́бнути в бе́здне грехо́в мои́х; Ты́ цели́тельница стра́ждущих, исцели́ и мене́, уязвленнаго от не́мощей душе́вных и теле́сных; Ты́ – неча́йная ра́досте, ра́достью спасе́ния Твоего́ оте́мли от мене́ стра́х грядущаго муче́ния; Ты́ – споручница грешных, бу́ди и мене́, грешнику́, благосе́рдою споручницею пока́яния и спасе́ния моего́. На Тебе́ по Бо́же все́ мое́ упова́ние возлага́ю, бу́ди ми́ вы́ну неусы́пная ходата́ица и всеси́льная предста́тельница пред Сы́ном Твои́м, Го́сподом на́шим Иису́сом Хри́стом, укрепи́ во мне́ ве́ру в Него́, утверди́ в любви́ Его́, научи́ мене́ люби́ти и сла́вити и Тебе́, Пресвяту́ю Ма́терь Бо́жию, Преблагослове́нную Марию́: вседержавному покрову́ Твоему́, Богоро́дице, вруча́ю себе́ на вся ве́ки. Ами́не.

Молитва 3ая св.арх. Михаилу:

Святы́й и великий Архангеле́ Божий Михаи́ле, неисповедимы́я и пресущественны́я Троицы́ первый во Ангелех предстоя́телю, рода́ же челове́ческаго приста́вниче и хранителю́,

сокрушивый с воинствы своими главу прегордаго Денницы на небе и посрамляяй всегда злобу и коварства его на земле!

К тебе прибегаем с верою и тебе молимся с любовью: буди щит несокрушимый и забрало твердое Святой Церкви и Православному Отечеству и воинству нашему, ограждая их молниеносным мечем твоим от всех враг, видимых и невидимых. Не остави же, о Архангеле Божий, помощию и заступлением твоим и нас, прославляющих днесь святое имя твое: се бо, аще и многогрешни есмы, обаче не хотим в беззакониях наших погибнути, но еже обратитися ко Господу и оживленным быти от Него на дела благая. Озари убо ум наш светом лица Божия, иже всегда сияет на молниевиднем челе твоём, да возможем разумети, что есть воля Божия о нас, благая и совершенная, и знати вся, что подобает нам творити и что презирати и оставляти. Укрепи благодатию Господнею слабую волю и немощное произволение наше, да, утвердившися в законе Господнем, престанем творити похотении плоти, увлекаясь скорогибнущими красотами мира сего, яко ради тленного и земного безумно забывать

вечное и небесное. Над всеми же сими испроси нам свыше дух истинного покаяния, нелицемерную печаль по Бозе и сокрушение о грехах наших, да оставшееся нам число дней временного жития нашего проживем не во угождении чувств и рабстве страстей наших, но во истреблении зол, содеянных нами, слезами веры и сокрушения сердечного, подвигами чистоты и святыми делами милосердия. Когда же приблизится час окончания нашего, не остави нас Архангеле Божий, беззащитных противу духов злобы поднебесных, облыкших преграждати душе человеческой восход в горняя, да, охраняеми тобою, безпреткновенне достигнем оных преславных селений райских, идеже несть печаль, ни воздыхание, но жизнь безконечная, и, сподобльшися узрети пресветлое лице Всеблагаго Господа и Владыки нашего, падше со слезами у ног Его, в радости и умилении воскликнем: слава Тебе, дражайший Искупителю наш, Иже за премногую любовь Твою к нам, недостойным, благоволил еси послати Ангелы Твоя в служение спасению нашему! Аминь.

Взбранной Воеводе победительная, яко избавльшися от злых, благодарственная восписуем Ти раби Твои Богородице: но яко имущая державу непобедимую, от всяких нас бед свободи, да зовем Ти: Радуйся Невесто Неневестная

Господи помилуй 12 раз

Молитвами Пресвятой Владычицы нашей Богородице и Приснодевы Марии, силою Честного Животворящего Креста, архистратига Божия Михаила, св. вмч . Георгия Победоносца, прп. Сергия игумена Радонежского, благ.кн. Александра Невского и всех святых, Господи Иисусе Христе помилуй нас. Аминь!

////////////////////////////////////

Кто чувствует особую душевную скорбь можно дополнительно читать обычный «Молебный канон ко Пресвятой Богородице читаемый во всякой скорби душевной и обстоянии» (есть в каждом молитвослове отдельно или в составе 3х канонов.). После прочтения канона читаем молитвы приведенные выше.

Молитва к Господу родителей о детях (жены о муже), находящихся на службе в армии.

Господи Иисусе Христе, Сыне Божий, молитв ради Пречистыя Твоея Матери услыши мя, недостойную рабу [или раба] (*имя*). Господи, в милостивой власти Твоей или чадо мое, [или супруга моего], раба Твоего (*имя*), помилуй и спаси его, Имени Твоего ради. Господи, прости ему все согрешения вольные и невольные, совершенные им

пред Тобою. Господи, настави его на истинный путь Твоих заповедей, и разум просвети светом Христовым во спасение души и исцеление тела. Господи, благослови его службу в армии, на суше, воздухе и в море, в пути, летании и плавании и на каждом месте Твоего владычества.

Господи, сохрани его силою Честного и Животворящего Креста Твоего под кровом Твоим святым от летящей пули, стрелы, меча, огня, от смертоносной раны, водного потопления и напрасной смерти. Господи, огради его от всяких видимых и невидимых врагов, от всякой беды, зол, несчастий, предательства и плена. Господи, исцели их от всякой болезни и раны, от всякия скверны и облегчи его душевные страдания. Господи, даруй ему здравия и целомудрия во всяком благочестии и любви в мире и

единодушии с окружающими его начальствующими, ближними и дальними людьми. Господи, умножь и укрепи его умственные способности и телесные силы, здрава и благополучна возврати его в родимый дом.

Всеблагий Господи, даруй мне, недостойной и грешной рабе Твоей (имя), родительское (супружеское) благословение на чад (супруга) моего (имя) в настоящее время утра, дня, ночи, ибо Царствие Твое вечно, всесильно и всемогущественно. Аминь.